



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Confirmatio Ordinis & foundationum nostri monasterij per Celestinum
Papam III.

urn:nbn:de:hbz:466:1-13591

Confirmatio Ordinis & foundationum nostri monasterij
per Celestinum Papam III.

Celestinus Episcopus seruus seruorum Dei, dilectis filiis *Wiemano* Præposito Ecclesiæ *S. Zenonis Hallensis*, eiusque fratribus tam præsentibus quam futuris religiosam vitam professis, in perpetuum. Quoties à nobis petitur, quod Religioni & honestati conuenire dignoscitur, animo nos decet libenti concedere, & petentium desideriis congruum suffragium impertiri. Ea propter dilecti in Domino filij, vestris iustis postulationibus clementer annuimus, & præfatam Ecclesiam *S. Zenonis* in qua diuino mancipati estis obsequio, sub *B. Petri* & nostra protectione suscipimus, & præsentis scripti priuilegio communimus. In primis si quidem statuentes, vt ordo canonicus, qui secundum Dei & *B. Augustini* regulam in eodem loco institutus esse dignoscitur, perpetuis ibidem temporibus inuiolabiliter obseruetur. Præterea quasque possessiones, quas cumq; bona eadē Ecclesia in præsentiarum rationabiliter possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis præstante Domino poterit adipisci, firma vobis vestrisque successoribus & illibata permaneat. In quibus hæc, propriis duximus exprimenda vocabulis. Locum ipsum in quo præfata Ecclesia sita est cum omnibus pertinentiis suis, decimale saltem, & prædium quod nominatur *Suuant* cum omnibus appenditiis suis, aquam in fonte *Halla*, quam dedit *Ebo*, aquam quam dedit *Iacco*, aquam quæ dedit *Henricus Eninkil*, prædium quod dedit *Sigeboto Ocheim*, prædium quod dedit *Heinricus Nutzerpoum*, capellam *Intzella* diuicam cum prædio & omnibus appenditiis suis, & omni integritate decimarum, quam venerabilis frater noster *Albertus Salisburgensis* Archiepiscopus liberè vobis & Ecclesiæ vestræ donauit. Sanè noualium vestrorum quæ propriis manibus aut sumptibus colitis, siue de nutrimentis animalium vestrorum, nullus à vobis decimas exigere vel extorquere præsumat. Liceat quoque vobis clericos vel laicos liberos & absolutos è seculo fugientes ad conuersionem recipere, & eos absque contradictione aliqua retinere. Prohibemus insuper vt nulli fratrum vestrorum post factam in vestra Ecclesia professionem, nisi arctioris religionis obtentu, absque Præpositi sui licentia liceat ab eodem loco discedere, discedentem verò absque cõmuniuiter caucione nullus audeat retinere. Libertates quoque & immunitates, antiquas & rationabiles consuetudines Ecclesiæ vestræ concessas, & in capellis in Parochia vestra sitis hætenus obseruatas, ratas habemus, & eas perpetuis temporibus illibatas permanere sancimus. Inhibemus insuper vt infra fines parochiæ vestræ nullus sine assensu Diocæs. Episcopi & vestro capellam seu oratorium de nouo construere audeat, saluis priuilegiis Romanor. Pontificum. Cum autem generale interdictum terræ fuerit, liceat vobis clausis ianuis, exclusis excommunicatis & interdictis, non pulsatis campanis, suppressa voce diuina officia celebrare. Chrisma verò, oleum sanctum, consecrationes altarium seu basilicarum, ordinationes clericorum vestrorum, quæ ad sacros ordines fuerint, promouendi, à Diocæsano Episcopo, si catholicus fuerit, & gratia atque cõmunionem apostolicæ sedis habuerit, ea vobis gratis & sine prauitate aliqua volumus exhiberi. Sepulturam præterea ipsius loci liberam esse decernimus, & eorum deuotioni & extreme voluntati quæ illi sepeliri deliberauerint, nisi fortè vel excommunicati vel interdicti fuerint, nullus obstet, salua tamen iustitia illarum Ecclesiarum, à quibus mortuorum corpora assumuntur. Obeunte verò te nunc eiusdem loci Præposito, vel tuorum quolibet successorum, nullus ibi qualibet surreptionis astutia seu violentiæ præponatur, nisi quem fratres communi consensu, vel fratrum pars consilij

consilij sanioris secundum Dei timorem & B. *Augustini* regulam prouiderint eligendum, Paci quoq; & tranquillitati vestrae paterna in posterum sollicitudine prouidere volentes, auctoritate apostolica prohibemus, vt infra fines locorum vestrorum nullus rapinam vel furtum facere, ignem apponere, sanguinem fundere, hominem temerè capere vel interficere, seu violèciam aliquam temerè audeat exercere. Decernimus ergò vt nulli omninò hominum liceat præfatam Ecclesiam temerè perturbare, auctius possessiones auferre, vel ablatas retinere, minuere, seu quibuslibet vexationibus fatigare, sed omnia integra conferuentur eorum, pro quorum gubernatione, ac sustentatione concessa sunt, vsibus omnimodis profutura, salua sedis apostolicæ auctoritate, & *Saliburgensis* Archiepiscopi canonica iustitia. Si qua igitur in futurum Ecclesiastica seculariue persona hanc nostræ constitutionis paginam sciens contra eam temerè venire temptauerit, secundò tertio due commonita, nisi reatum suum congrua satisfactione correxerit, potestatis honorisq; sui careat dignitate, eamq; se diuino iudicio existere de perpetrata iniquitate cognoscat, & à sacratissimo corpore & sanguine Dei ac Domini redemptoris nostri Iesu Christi aliena fiat, atque in extremo examine districtæ ultioni subiaceat. Cunctis autem eidem loco sua jura seruantibus sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant, Amen.

Datum *Lateran.* per manum *Cencij* sanctæ *Luciæ* in Horthea Diaconi Cardinalis, Romanæ Curiaë Camerarij, XVII. Calen. Aprilis. Indictione tertiadecima. Anno Dominicæ Incarnationis M. C. XC. IV. Pontificatus verò Domini *Celestini* Papæ III. anno quarto.

Pro defensione Ecclesiæ per *Henricum* Ducem

Bauaria.

NOs *Henricus* Dei gratia Comes Palatinus *Rheni*, Dux *Bauaria* &c. Tenore presentium declaramus, quod nos cœnobium S. *Zenonis* apud *Halle* situm, in nostram protectionem recepimus specialem, vt quicumque eandem Ecclesiam in bonis suis grauare præsumperit, nobis ipsis factam esse præsumptionem huiusmodi reputemus. Mandamus ergò Iudici ac vniuersis ciuibus in *Halle* firmiter iniungentes, vt si quis hominum dictum Cœnobium in redditibus suis grauet, vel molestare præsumat, loco nostri ipsum fideliter defendatis. Officialibus etiam nostris districtè præcipimus vt decimas in *Castuna* & de officio in *Halle*, & penes *Halle* quas eidem Cœnobio, pax memoriæ *Ludouici* Comes Palatinus *Rheni*, Dux *Bauaria* auus noster contulit, de bonis nostris ei primò soluantur. Quicumque verò officialium nostrorum hoc neglexerit, nostram indignationem sentiet & offensam. Illud etiam adiicimus, vt si fortè eadem bonâ vendere, obligare, vel quoquomodo à nobis alienare contingat, prædictum tamen cœnobium in perceptione decimarum debeat permanere. Tibi verò Iudici sub obrentu beneuolentiæ nostræ præcipimus, vt si apud te pro aliquo debito ipsis soluendo deposuerint quærimoniam, ipsis debitam iusticiam & satisfactionem facias exhiberi. Alioquin de voluntate nostra est, vt ipsos compellant per sacramenta Ecclesiastica ad soluendum. In cuius rei testimonium, ipsi Cœnobio dedimus præsentem litteras nostri sigilli robore communicas. Datum in *Trauenstein*, Anno Domini Milleesimo, ducentesimo, septuagesimo tertio. Nonis februarij.

Confir.